

Ulukuta lwa Bantu bonse!

Takwaba abakunse iyo mu citemwiko cakwa Lesa. Ulukuta lwakwe lwa bantu bonse. Te mulandu nifwe bani nelyo ifyo twa citile, mwaliba icifulo cesu mu Lukuta lwa kwa Lesa.

Twatandalile umushi umo ku citungu ca Kapinda ka calo ca Zambia, bamo aba mwi bumba lyesu bakumene na maka yakupapa aya fintu imbila nsuma ileta abantu pamo. Mu ncende iyo inkuta shali ishaleipatulula apakalamba. Baleisunga fye abene beka palwabo fye kabili tabalefwaya ukwampana nabekala calo abo baleita 'ababembu' aba mu cifulo cilya. Na pa mulandu wa ico, abantu tababalile abomfwa imbila nsuma. Abantu ba mwi bumba lyesu balandile imbila nsuma yakwa Yesu, ukulondolola ukuti Yesu alibatemwa, kabili ukuti afwile pa mulandu wabo kabili no kuti mwaliba icifulo cabo mu lukuta lwakwe. Ubwasuko bwali bwa kupapa. Abantu abo abali abalekeleshiwa, baile ku ntungulushi sha lukuta no kulanda ukuti bafwile ukubabimbamo mu lukuta baleti nokuti, "Yesu alitutemwa kabili alefwaya twise ku lukuta!"

Muli Yohane 1:12 Yohane alembele ati, "Lelo kuli abo bene aba mupokelele, aba tetekele ishina lyakwe, aba pele amaka yakuba abana bakwa Lesa." Yohane aletila ati Lesa wa bantu bonse kabili abantu bonse nabakwata insambu sha kuba mu lupwa lwakwe. Ifintu fyonse ifitulekanya, imipaka yonse iyo tubiika pakati kesu tayakwata incito iyo. Tyaba ne ncende mu lukuta lwakwa Lesa. Bonse twaba fye umo muli Yesu.

Inshita shimo tulapingula abantu, tutontokanya ukuti tabalingile ukubomfiwa na Lesa. Nga twacita ifi, ninshi tatwishibe bwino ukusenamina kwakwa Lesa. Tulalaba ukuti naifwe bene kale twali ababembu nakuba no kuti bonse tukabila nganshi ubumi bwakwa Lesa. Uyu emulandu wine umuntu onse alingile fye ukupokelelwa mu Mabumba yesu Ayabumi na mu nkuta shesu shine, nangu fye ni abo bene tumona ukuti 'babembu'. Takuli fye umuntu nelyo umo pano isonde uyo Lesa teti abomfye mu nshila isha kupapa kabili ku bukata bwakwe.

Limo kuti twasuula abatekela abanensu pa mulandu wakuti icitetekelo cabo cili icapusana kuli ifwe. Kuti baya ku Lukuta lumbi, ukupepa mumusango umbi nelyo ukusumina ifyapusanako kuli ifwe. Mu Kusokolola 7:9, mwaba icikope ca bantu bakwa Lesa ababa "cinkupiti uwakupapa" ukufuma "ku luko lonse, umutundu, abantu na bandimi shonse." Kwaba ukutobenkana apakalamba ku bantu ba kwa Lesa kabili tatufwile ukusubila bonse abatekela ukuba cimo cine nga ifwe mu fintu fyonse. Yesu aita ifwe, fwe lukuta, ukuba bu umo. Tulingile ukushininkisha ukuti fwe batetekela bonse twaiminina pamo no kupeela incende ku muntu onse mu Lukuta lwakwe.

Bikeni Muku Cita!

Tontokanya pa ncende umo wikala, bantu nshi abalekeleshiwa kabili abatamfiwa mu lukuta? Ni bani abo abashaumfwapo palwa citemwiko cakwa Yesu? Bantu ba musango nshi abengomfwa ukukana pokelelwa mu lukuta? Lemba amashina yabo no kutendeka ukubapepelako. Umulungu uli ku ntanshi, ukabete ukuti mukaye nabo kwi Bumba Lyabumi. Bombesha fye ushininkishe ukuti baumfwa ukupokelelwa no kutemwikwa.

Pepeni ukutila:

- 1) Lesa akalanga aba bantu ifyo aba.
- 2) Lesa akakupeela ishuko lya kulanga kuli bena icitemwiko cakwe.



"Kwali umuntu umo, ali ni ng'anga ya cikaya, kabili bali mutamfische mu mushi. Aba mu lukuta nabo bene bale mutina. Natontonkenye ukuti nga kuli umuntu uwantanshi uyo twalaya pempula ilyo tuli kuno, ni uyu wine muntu untu tulelandapo. Nalandile kuli wene pali Lesa. Atendeke ukulila elyo atile, 'Icintu cimo ica ndetela ubulanda, abantu bonse kuno balantina. Kulesa abantu abakalamba kuno mukubila icebo, abakalamba ukucila pali iwe, lelo takwaba nelyo umo uwalanda nannie icakuti na lalila no kulila. Amashiwi walanda yanjikata sana.' Uyu muntu alilapile no kubwelela kuli Lesa."

- Chafwila, Zambia.

Kuti mwasanga na fimbi apa:
dignityonline.org.uk/publications